

VEGOS

VEGOS d.o.o. Sarajevo

Historijat firme

1989. – 2024.

Sarajevo, maj 2024.

Pioniri na Građevinskom fakultetu

Prvi put pomenuto 1989. godine, ime "VEGOS" označavalo je samostalnu radnju – foto-kopirnicu sa sjedištem u Sarajevu, tačnije na Građevinskom fakultetu Univerziteta u Sarajevu, gdje i danas uspješno posluje. Osnivači foto-kopirnice, Vedran i Goran Selimović, tadašnji studenti otvaraju kopirnicu uz pomoć Građevinskog fakulteta. Tokom ratnih godina, foto-kopirnica privremeno obustavlja rad zbog nedostatka potrebnih materijala.

Registracija i početak rada


Firma "VEGOS" d.o.o. Sarajevo zvanično je registrovana 1996. godine, označavajući početak njenog formalnog poslovanja. U poslijeratnom periodu, Vegos je bio fokusiran na prodaju i servis novih foto-kopir, faks i skener uređaja različitih proizvođača. Krajem '90-ih, Vegos se potpuno posvećuje prodaji i radu s Nashuatec multifunkcijskim uređajima, koji su bili sastavni dio Gestetner kompanije, jedne od najvećih kompanija u sektoru foto-kopiranja i elektronike. Gestetner se tada sastojao od brendova kao što su Nashuatec, Rex Rotary, Hanimex i Savin. Gestetner kasnije preuzima japanska korporacija RICOH, mijenjajući ime u NRG Group.

Digitalna revolucija

Vegos postaje jedna od prvih kompanija u Bosni i Hercegovini koja uvozi i prodaje digitalne multifunkcijske uređaje prije 2000. godine. Na Privrednom sajmu u Sarajevu 1999. godine, Vegos predstavlja prvi model digitalnog uređaja firme Nashuatec, označavajući početak dugogodišnje tradicije modernizacije i inovacija u sektoru uredskih uređaja.

Od 2007. godine, NRG Group prelazi u vlasništvo Ricoh Europe, te Vegos, prateći promjene u industriji, postaje ekskluzivni zastupnik japanske kompanije RICOH u potpunosti. Ova saradnja obuhvata distribuciju novih uređaja, originalnih rezervnih dijelova i repromaterijala, te pružanje usluga održavanja i podrške za uredske RICOH uređaje.

Na Građevinskom fakultetu Univerziteta u Sarajevu, Vegos otvara jednu od prvih digitalnih učionica u Bosni i Hercegovini 2017. godine,



označavajući početak širenja poslovanja na druga IT rješenja, uključujući pametne table, projektore, računare te integrisana softverska rješenja.

Izazovi pandemije

Iako je period pandemije koronavirusa bio izazovan, uz podršku dugogodišnjih klijenata i distributera, Vegos uspješno obavlja svoje zadatke. Ovaj period naglašava posvećenost firme i njenih zaposlenika, pružajući sigurnost trenutnim i potencijalnim klijentima u rad kompanije.

Nastavak uspjeha i širenje ponude

Početakom 2021. godine Vegos s ponosom predstavlja najnoviju liniju Ricoh proizvoda - inteligentne štamparske mašine. Nova Ricoh IM serija donosi revolucionarne inovacije u oblasti digitalne štampe i upravljanja dokumentima. Opremljene najnovijom tehnologijom, ove inteligentne mašine omogućavaju bržu, efikasniju i inteligentniju obradu dokumenata u poslovnim okruženjima.

U 2022. godini, Vegos ponovno širi svoju ponudu, uvodeći rad s Ricoh Pro linijom proizvoda. Ricoh Pro mašine predstavljaju najnaprednije multifunkcijske uređaje namijenjene štamparskoj industriji, a Vegos se ponosi dugogodišnjim iskustvom u najmu i održavanju sličnih uređaja. Linija proizvoda se sastoji od produkcijskih “Cutsheet”, “Wide & Large Format” i “Continuous feed” printera.

Posvećenost kvaliteti i razvoju: Dugoročni ciljevi VEGOS-a.

Navedene aktivnosti su rezultat dugogodišnjeg uspješnog poslovanja i dubokih veza sa distributerima, omogućavajući našim klijentima najpovoljnije cijene i brzu isporuku. Vegos uvijek teži unapređenju u svemu što radi, a najveću zahvalnost duguje svojim klijentima koji su doprinijeli kontinuiranom razvoju kompanije. Svi dijelovi firme surađuju usklađeno kako bi efikasno zadovoljili potrebe klijenata. Vegos trenutno ima raznolik portfolio klijenata koji se oslanjaju na naše usluge za njihove multifunkcijske uređaje, pametne table, projektore, produkcijske printere, potrošni materijal, rezervne dijelove, softverska rješenja, te usluge održavanja i servisiranja.